

zakilixut

© Olariagak



KATE MOTZEAN

Juan Kruz Lakasta

«Frantsesez lagun daiteke euskara»

■ **Kazetari izatetik, zuzendari izatera. Nola ikusten duzu mundua hortik goitik?**

Oso lan ezberdina da, baina kazetari bezala izan dudana esperientziak asko laguntzen dit zuzendaritza lana egiteko. Badakit zeintzuk diren kazetariaren beharrak. Orain ikasten ari naiz kazetariak testua amaitzen duenetik irakurlearen eskuetara heltzen den arte badaudela beste mila gauza.

■ **Hogeita bederatzita urterekin, zuzendari. Gazte izanagatik ere sobera trebaturik dauden aparteko taldeko kide dirudizu.**

Gazte sentitu sentitzen naiz, baina haur nintzelarik, hoguei urtetik gorakoak zahartzat jotzen nituen. Zahar izate hori gero eta gehiago atzeratzen dugu.

■ **Editorialik idatziko ez duen zuzendaria zara, zuen kazetan ez baita horrelakorik izanen. Zergatik?**

Oso ingurune berezian sortzen garelako. Gaur egun, Iparraldeko frantsesezko merkaturan egunkari bakarra dago, eta hain da zabala beste periodiko baten zain dagoen publikoa, editorial batek mugatu egingo luke.

Egunkari batek editoriala galtzeak ez du egunkaria baldintzatzen. Adibidez, nahiz eta frantsesezko egunkaria izan, euskarak izanen du bere tokia.

■ **Kazeta euskaltzalea bai, baina euskalduna, nagusiki, ez. EGUNKARIAN zortzi urte eman eta gero euskaraz idazteaz aspertuta, ala?**

Ipar Euskal Herrian, maleruski, gehiengo handi batek hizkuntza idatzi bezala frantsesa du, eta horrek behartu gaitu horretara. Baina euskararekiko atxikimendua berdin-berdin mantentzen dugu. Frantsesez idatziz ere lagundu daiteke euskara.

■ **Kazetaren aurkezpena Aviron Bayonnaiseren egoitza nagusian egin zenuten. Bixia. Zergatik?**

Baionan nahi genuen jendea gustura egoteko toki bat. Aviron Bayonnais hemengo kirol talde nagusia da, eta toki egokia iruditu zitzaigun. Giro herrikoia nahi genuen, eta halaxe erdietsi genuen.

■ **Kirolari garrantzi handia emanen diozuela iragarri duzue.**

Gaur egun dagoen medio idatzi bakarrean kirola ez da aski tra-

HUR GOROSTIAGA

'LE JOURNAL DU PAYS BASQUE'-KO ZUZENDARIA

Donostia, 1973. Ia sortu zenetik Baionan bizi da. Zortzi urtez EGUNKARIAko kazetari izana. Aurrerantzean 'Le Journal du Pays Basque-Euskal Herriko Kazeta'-ko buru.



«Kirolak ere balio du Euskal Herria altxatzeko»

tatzen, eta hori da jendeak itxoi-ten duen informazioetarikoa bat. Kirol nahia dago.

■ **Euskal Herria kirolaren bitartez altxa daiteke.**

Dudarik gabe.

■ **Realeko gazte taldeetako atezaina izana zara. Akaso horrek itsutzen zaitu.**

Urte haietan, sartu nahi zizkidaten golak saihesten ikasi nuen. Lan honetan ere ongi etorriko

zait. Kirolari ez ezik, eztabaidari eta gizarte gaiei ere garrantzi handia emanen diegu.

■ **Abertzaleen Batasunak hartu duen erabakia hartuta, eztabaidagairik ez zaizue faltako.**

Bai, baina ez da izango gai bakarra. Joan den urtean RPren gertatu zena euskal departamenduaren inguruan edo sozialisten baitan gertatzen ari dena ere eztabaidagaiak izan daitezke. Guztietan interesatuko gara berdin. Guztiak dira hemengo gizartearen isla hein berean.

■ **Reala, gaizki.**

Beharbada, urrunegi joan gabe, hobe lukete Iparraldeko jokalarien kalitatea aztertzea, ekialdeko herrietara jo gabe.

■ **Berragertzeko prest?**

Zaintzeko nahiko ate badut hemen. Hobe gazteei tartea utzea.

■ **Kazeta, sendo?**

Ipar Euskal Herria gauza artifiziala da, Frantziako legediaren arabera ez baita existitzen. Iparraldeko biztanleak beharturik daude haien tresna propioak sortzera. Hala egin zuten 92an Garapen Kontseiluarekin. Memento honetan guk ere ikusten dugu halako prozesu batean gaudela. Ez genuen medio propiorik, eta sortu dugu.

■ **Zuzendari zarenetik serio-ago hitz egiten duzu.**

Itxurak egin behar, jendeak errespetatzeko.

ORAIN DENAK INTERNETEN... WWW.MEGADENDA.COM



Irun
Tolosa
Bergara

BILINTX
DONOSTIA
Fermin Calbeton, 21
943 42 00 80



URRETXINDORRA
BILBO
Iparragirre, 26
944 24 02 28



MATTIN
BAIONA
Saint-André plaza
05 59 59 35 14



XALBADOR
IRUÑA
Comedias, 14
948 22 41 67



rriaga
MEGADENDA
GASTEIZ
San Prudentzio, 7
945 14 45 01

